



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt VI. Ex a Pœnitentiali Romano.

[urn:nbn:de:hbz:466:1-74544](#)

C A P V T IV.

^a Item.

Si læserit quispiam agrum, vel vineam, & dimiserit jumentum suum, ut pascatur aliena, quidquid optimum habuerit in agro suo, vel vinea pro damni æstimatione restituet.

N O T A E.

- ^a **I**tem.) Ita etiam legitur in prima collectione, sub hoc tit. cap. 5. & textus hic reperitur in ipso cap. 22. Exodi, ubi legitur: Si læserit quisquam agrum, vel vineam, & dimiserit jumentum suum, ut pascatur aliena, quidquid optimum habuerit in agro

suo, vel vinea, pro damni æstimatione restituet. Raymundus autem ut præfentem textum conformem redderet juri Cæsareo, posuit pro domino, æstimationem restituet, juxta legem ultimam, Cod. adleg. Aquil. quomodo tamen hoc damnum æstimetur, exponit Otero de pascuis cap. 13. per tot.

C A P V T V.

^a Item.

Si egressus ignis invenerit spicas, & prehendit acervos frugum, sive stantes seges, sive in agris, reddet damnum qui ignem succedit.

N O T A E.

- ^a **I**tem.) Etiam ita legitur in prima collectione, sub hoc tit. cap. 6. & reperitur hic textus in cap. 22. Exodi, ubi legitur spinas, non spicas, ut in praesenti. Quam lectionem probant Cornelius à Lapide ibi, versu 6. & ita jubet lex hæc, ut si quis negligenter suā igni à se excitato male advigilarit, nec caverit, ne proferperet, itaque factum sit, ut ignis spinas, quæ segetem sepiebant, atque exinde ipsam legetem corripuerit, teneatur de damno.

C O M M E N T A R I U M.

- ^a **I**ncendium committitur dolo, culpâ, aut casu. De incendio dolo, aut culpâ commissio egredi cap. excommunicamus de raptoribus. De incendio casu admisso agitur in praesenti, & jubetur, ut damni æstimatione restituantur. Consonant Paulus

lib. 5. sent. tit. de incendiariis, ibi: Fortuita incendia, que casu venti fuerint, vel incuria ignem supponens ad usque vicini agros evadunt, si ex eo seges, vel vinea, vel oliva, vel fructifera arbores concrementur, datum damnum æstimatione sarcitur. Ulpianus lib. 8. de officiis. Proconsul apud Pariatorem legum Mosiaci ibi: Sed ei, qui non datā operā incendium fecerit, plerunque ignoscitur, nisi in lata, & inculta negligencia, vel lascivia fuit. Paulus lib. singulari de pœnis, apud cunctum Pariatorem, ibi: Fortuita enim incendia ad forum remittenda sunt, ut damnum vicini sarcatur. In legibus Wiligoth. in l. ult. tit. 2. lib. 8. ita legitur: Qui ignem apposuerit spinis, spiplatis, & tribulis, ad conquendum cibum, vel frigus arcendum, si ignis longis diffusus alienam messim, domum, vineam incenderit, non duplum, sed dimum præfare tenetur. Explcant, & illustrant Sessi tom. 2. decis. 211. Pitheus in collat. legum Mosiaci. sit. 12.

C A P V T VI.

Ex ^a Pœnitentiali Romano.

Si quis doinum, vel aream cujuscunque incenderit voluntariè, sublata, vel incensia omnia restituat, & tres annos pœniteat.

N O T A E.

- ^a **P**œnitentiali.) Ita etiam legitur in prima collectione, sub hoc tit. cap. final. & ex codem libro citatur textus hic à Burchardo lib. 19. Decre-

ti, cap. 136. Carnot, part. 5 Decreti, cap. 146. & reperitur in ipso Pœnitentiali, tit. 4. cap. 20. De authoritate hujus libri egri in cap. 3. de furtis: & de pœnis incendiarii in cap. excommunicamus, de rapitoribus.

C A P U T